

光緒永嘉縣志

永嘉縣志卷之十六目錄

人物志四

介節

三十五人  
附九人

宋

宋之珍

子敦樸從孫  
億元宦績

王公彥

元宦績

劉珪

補

李唐卿

子彌高  
元宦績

張仲梓

補

劉仲光

補

李伯鎬

補

陳畏

府志  
名臣

薛高

從孫  
元隱逸

夏祐

依舊縣  
志補

吳舜龍

元宦績

徐瑄

依府  
志補

曾鼎臣

孫時中依  
府志補

林璿

補

王益大

補子  
與良

朋

李從孫

補

元李綬

補

陳達

補

明

徐懷玉

補

夏遂祿

七世孫  
經元宦積

劉

現

依府志補

鄭柱

元官積

鄭璘

依府志補

徐安行

元官積

婁

濬

元官積

張遜業

依府志補

朱廷諡

依府志補

林宗教

依府志補

王光蘊

孫欽豫  
元宦積

聞得仁

依府志補

朱體信

依府志補

鄭思道

補

張陽春

依府志補

張中蘊

補

國朝

程浩

續

府志有虞世陽舊縣志改義行  
湯志入尙義今列隱逸此削

忠義

二十五人附  
又附殉難姓氏

宋

丁仲脩

包汝諧

弟汝嘉

周承己

妻淵潘  
守真

李徽

補弟

李邦

補

陳自中

陳元帥

徐

臻

湯志補

陳虞之

元

季完澤

金德

張

庸

明

沈忠

劉錦

王沛

王德

孫名世

夏光

江九山

祁嵩

朱廷鑰

胡璠姚憲

陳

朝

湯志補

張世鳳

補

葉尙皋

鄒之琦

國朝

侯

醇

夏聲

僧體印

徐桂芳

續

府志忠臣有葉一源係瑞安人又有石礪薛開王瑞梅舊志移石礪薛開於武功仍載葉一源王瑞梅湯志創

葉一源改王瑞梅於名臣今從之

孝友

七十四人附四十四人

宋

陳

侃

舊志重見義行作陳侃今正

仰忻

張氏子

朱京

薛特立

周忠輔

夏晞稷

陳敦化補

陳宗

伊導

元 朱童子

胡野廬

周士威魏保

王泰

王成孫補

明 鄭文彬補

王毓

薛敬

沈昆

金應

王鑑

黃道琳

王祚祖元  
弘父

煥文

謝孝章

黃祿

黃遜

南孟明

謝孝章

徐恩補

黃鍾補

葉循學補

王冽補

陳一貞補

張遜志元仕  
績

王勳

葉瀚

張崇翰

朱尙綜補

鄭理

戴天倫

張漲

沈子裕

徐一漸

王欽穆

曾子傲

蘇祀

張芝芳

附楊世魁

等七人黃文玉等十四人

朝國

呂世英

鄭時英

張士燦

鄭之靖

李一棟

林震生

沈明信

陳煒彰

王錫瑄

林龍

王履謙

王敬

王若鉦

續

陳志環

弟志璧陳啟粵潘善琴

潘元瑤

金連彩

謝思海

柯式曾

子誠濟

麻建申

許金鑑

孫世變

世亨世忠

姜南勳

王啟謨

胡元質

方仰賢

王國祥

梅魁

項懷瑾

弟懷珍

李福煊

方

榮

附陳壽郎  
等十一人

永嘉縣志卷之十六

人物志四

介節

昔曹子臧言聖達節次守節下失節而柳下惠聖者也  
乃不以三公易其介然則聖人之道亦以守節爲先矣  
自古濟世立功之士純駁不同功業亦異苟內無所守  
而能徼幸成名者蓋不多見乃知有守者有猷有爲之  
本也今於名臣宦績之外別爲此門非外介節於猷爲  
也乃深惜猷爲之士不幸而以介節見耳雖然士以節  
見蓋時之不幸非士之不幸也世之自命爲士者慎毋



甘爲其幸哉

宋

宋之珍字國寶幼孤能自力學年三十二登紹聖第選爲  
台州司理參軍獄無小必躬閱平反甚衆歲餘丁母憂廬  
墓三年服除調穀熟縣尉再尉會稽越俗率以春月競渡  
其費皆取之民例以尉督辦之珍獨詣府條其不可者三  
事遂止嘗坐上書言事入元符黨籍大觀三年詔削籍曰  
吾罪滌矣明年卒於京師階文林郎周行己嘗稱其從仕  
廉介操執不移子敦樸登建炎第爲監察御史奏乞詔守  
令以耕籍之後出郊勸農諭以天子親耕之意詔從之州

縣帶勸農入銜自敦樸進言始也從孫億涖熙丁未進士  
第歷宣教郎僉書武安軍節度判官陞奉議郎資稟粹美  
學問深醇清不矯亢和不詭隨持身廉勤不自表襮擬斷  
獄訟悉得其平衛涇薦之至再云

劉左史集萬麻  
府志名臣奏議

王公彥字成德與兄公輔同登紹聖第調江夏尉元符末  
上書論宜仁無負於先帝司馬光無負於天下且言章惇  
悞國之罪與李林甫盧杞無異由是廢斥入元符黨籍紹  
興初褒錄轉官奉祠

萬歷  
府志

劉珪字伯玉儻不羈有高世之行性强記途見碑碣及  
名公記游之作過目輒成誦平生浮沈里中不樂仕進遇

人無貴賤少長罔不得其歡心雖猝加以利害不見喜怒也俗皆奉佛珪獨賦士農工商四詩以衛名教會朝廷詔州縣毀淫祠珪讀詔欣踊累月不絕口其天資卓越不淪於習如此

孫觀劉府君墓誌

李唐卿字少勉唐河間王孝恭裔自虔州徙永嘉茶山登紹興第教授西京睦宗院知新建縣歷國子博士入爲秘書郎請外除江東提舉踰年改浙西卒子彌高由太府丞出爲嚴州守父子俱以廉平稱

萬曆府志

張仲梓字才卿忠簡公闡次子也以恩補將仕郎尋授右迪功郎監潭州南嶽廟乾道五年差監行在豐儲倉九年

史浩以使相帥閩過闕力薦其才卽日召對尋改宣義郎除大理寺主簿淳熙元年遷太府寺丞四年乞外知通州陛辭論常平利病上嘉歎遂改荆南路提舉常平茶鹽公事六年持節入境究心區畫因劾察吏之慢令者遭論罷十年主管沖佑觀後知江州再知通州俱不赴慶元元年始爲兩浙西路安撫司參議官四年知復州訪民瘼廣儲粟分置鄉兵以防盜賊五年卒年七十一官至朝請大夫子燾通仕郎烜燠俱將仕郎仲梓性介特不好華飾圖史外無長物卜築謝池陶然自樂爲詩文簡古邃深有集藏

於家

政魏集張公墓誌銘

劉仲光字茂實乾道丙戌進士歷永康丞奉新令以朝散大夫權發遣濠州篤厚通敏順物險易嘗從一世士君子游而自勉以道義之重不以細故變其所守士大夫莫不高其廉靜而服其明識終知和州

朱子集水心集龍川集

李伯鎬字仲京授脩職郎調臨安府司戶參軍體充碩不任俯仰長官深訝其傲他日詣府白事不卽見日逮午恚曰善事上官無失名譽我不能也青山白雲招我矣何事

低首於人耶棄官歸終身不仕

蒼墩李氏譜

陳畏字直甫其先長溪人徙平陽再徙永嘉以儒學顯洎熙庚子郡試院火死者甚眾畏若有掖而出者得免於難

登紹熙第除太社合厯秘書丞度支郎出知南安軍移知嚴州奉祠端平初起爲浙東提刑除大理少卿丐去以直祕閣主觀鴻禧觀致仕里居十年疊進右文集英二殿修撰卒年八十九畏持身廉介動遵禮法不汲汲於榮進嘗語其子曰吾宦路推遷不自意至此身得年子得官不啻足矣既老猶協助鄉大夫建平糴倉以惠里社劉石以忠節著僅賜廟額復請於朝遂頒爵命其急義如此舊府志薛高字益仲任連城簿棄官而隱讀書作文至老不休家有讀書樓郡守樓鑰爲之記陳謙贈詩有萬卷編鈔高似屋一門師友重如山之句從孫岫直秘閣紹之孫監隆興

府稅務師武之子也字仲止號雲泉登寶祐第調長溪簿  
一旦掛冠去以詩酒自娛終其身著有雲泉詩集

萬縣志  
南宋羣

賢小  
集

夏祐嘉定甲戌進士爲上高尉以廉介自持州縣有委一  
斷以公未嘗通當路書嘗謂人曰仕途奔競相師成風吾  
竊恥之窮達有命豈可枉道求伸耶

萬姓  
統譜

吳舜龍字君友登紹定第教授處州知於潛縣有知縣只  
飲於潛水之謠擢監察御史首陳備禦三策遷秘書少監  
出爲浙西提刑奉命慮囚所至無枉以大理卿召尋奉祠  
歸舜龍氣宇質樸心事坦夷無疾聲厲色一榻蕭然惟圖

書自娛而已

萬麻府志兩  
浙名賢錄

徐瑄字純中一字漢玉定次子以恩補將仕郎試中法科由大理評事積遷朝議大夫大理少卿濟邸獄與史彌遠屬其羅織無辜詔以美官瑄不可遂削秩謫道州徙象州卒端平改元侍御史王遂請加褒卹詔復原官贈集英殿脩撰命有司立勸忠坊於第左

康熙  
府志

曾鼎臣字元鎮少倜儻篤義力學舅氏許及之嘗奏以官鼎臣恥附權倖辭不就孫時中監福安府糧料院宋亡不仕以壽終

萬麻府  
志義行

林璿字壽玉一字叔玉祖武河池尉自有傳父纘孫右科



進士武經大夫知柳州瑋登景定壬戌丙科進士調常州  
司戶參軍州庾儲粟萬餘斛歲久將腐白於郡請新陳均  
給粟得不耗攝宜興無錫二邑先教後禁治之以靜再調  
福州觀察推官未上廣西經畧安撫使辟爲梧州軍事判  
官留佐幕府尋除主管兵部架閣文字改京秩階宣教郎  
遷樞密院編修官以養親辭不拜宋亡遂不仕端居二十  
年自號華蓋山人元貞丙申年卒五十八子堂處州路教

授

柳貫林公墓誌銘

王益大字居安景山六世孫父至道樞密院計議官益大  
開慶時上書言事曰平戎十策一取士二招軍三禦騎四

陷騎五得地六守地七恩威八利害九財計十馬政書奏  
授國史編校轉三省樞密院主事遷中書門下省錄事判  
太醫局出主管崇道觀德祐初用丞相陳宜中薦除右文  
殿修撰宋亡不仕優游泮水濱自號芹邊居士卒於元貞

元年年七十所著有和議一篇遺命一篇餘不傳前史官

蘇伯衡爲作畫像贊

王漢老壙志  
陳旅墓碑銘

子與字與之少有成入

志度劬學不輟尤注意於律部使者推擇爲郡功曹歷麗  
水開化黟三縣史陞行中書省理問府提控案牘佐臨海  
栝蒼兩郡幕除湖州錄事未上引年以樂清縣尹致仕著  
無冤錄欽恤集刑名通議

季孝光行狀  
王銓墓表

次子良朋性耿介

人物 介節

好施與鄉里推爲長者居積穀華蓋兩山間創小樓扁曰

玄谷因號玄谷處士年八十九

豐湖王氏謹

李從孫字克善以父澤補迪功郎淮南差遣參政劉黻宣諭江淮辟充幕僚多所委屬旣而辭歸自號居求子家居嚴肅嘗大書於壁曰動莫如敬居莫如儉德莫如讓事莫如咨元兵至參政阿剌罕召之以仕宋故義不就

眉墩李氏謹

元

李綬字子章性沈潛寬厚尤篤學少從外祖合溪戴侗及勉齋胡興祖游甚爲所器鄉先生陳一龍官江浙提舉以綬薦授仙居縣學教諭辭不就因自號閒叟築堂於雲居

齋曰自明園曰體仁嘗條鹽法役法利病言於上官凡數  
千言皆準今酌古以利民爲務卒不用平生孝友忠恕憐  
貧好施所在咸稱曰佛卒年六十九

蒼墩李  
氏譜

陳達字元達祖自中自有傳父萍厯官司徒宣政院使兼  
延慶院使嘗隨母楊氏寄居蘭溪故達少亦隨侍焉達年  
十五徵入宿衛二十學書於平章夔夔待制杜本學詩於  
張天雨馬伯誠至正壬辰擢端本堂司經轉正字遷文學  
皇太子禮貌之丁酉冬劾禿魯帖木兒忤旨罷明年南歸  
永嘉卽祖墓下以居從陳高受尙書周易旣而帝問其兄  
大都留守愛穆哥卽日以徵仕郎同僉太常禮儀院事召

不拜又召拜集賢直學士亞中大夫兼太子贊善最後以翰林侍講學士資德大夫知制誥同修國史同知經筵事召皆有御衣上尊之賜達知元將亡終不起明兵克温州自沈於淵軍士出之乃斷髮示無用猶安置濠州遇赦歸蘭溪洪武乙卯卒年五十四子三蘇平仲集陳公墓表按書史會要陳遠字元達官至崇文少監太子贊善志行修整真草法二王不以規矩疑卽陳達也達字誤作遠耳

明

徐懷玉字文玉號雲菴宋潮州守定之後幼從木景芳蔣蒼巖游洪武庚午領鄉薦除興國教諭調沛縣以言事升山東都司斷事改湖廣都司經歷初視事會屬衛有亡卒

十人法當死已遣官莅決矣懷玉閱其牘疑之因窮詰得其情皆可矜而畏拷訊誣服有左驗朝使從其請給駙奏聞十人者得減死人稱其明允後以註誤謫戍玉田四十餘年厯涉艱苦不改志節洪熙元年詔求賢得舉例除有司懷玉願就教職授建寧訓導五年丁內艱歸遂致仕正統辛酉卒年七十六著有雲菴詩集

介菴集

夏遂祿字克受洪武甲戌進士累官雲南參政所至有廉績及林居風致恬然無改寒素七世孫一經字國瑞幼奇穎隆慶庚午舉人性孝友樂施僮多意氣負志未仕卒

萬厓府志

劉現字朝紳父南金字貢禹仕本府訓導現循循雅飭克紹父業尤善易學究極精蘊登建文庚辰進士除翰林院編修魁梧博辨以詩文名於時在京師妻孥皆死與一子獨處會靖難兵起現日夜憂思既而臥病骨立乃謁告歸治殮具無何京師焚矣而與現同拜官輩皆事新朝云著有劉編修文集黃文簡爲序

建文彙編革除遺事介菴集畏菴集舊府志

鄭柱字仲砥永樂丙戌進士第三人任山東按察司僉事九年轉河南提學副使陞布政司參政告歸端居靜養絕無他營年七十五卒

萬曆府志

鄭璘字煥文永樂十四年由鄉貢薦爲秦和知縣清慎有

聲擢江西道監察御史奉敕收剿口外障房有功又奏立  
天下抽分廠至今國課賴焉後遷秩不赴休居田里足跡  
不入公門親族有過面規之莫不敬服有鐵面御史之稱

（篤麻）

志

徐安行字允蓋登景泰辛未進士任刑科給事中以諫景  
泰讓位忤上意廷杖八十天順改元告病賜歸建賜歸堂

康熙

府志

婁濬字潛夫居四都青山登景泰辛未進士投貴州道監  
察御史巡按廬鳳淮揚發奸鋤暴風裁凜然時朝政有乖  
災變迭見率同官上疏極諫誦刑臺典史天順初稍遷曲



周知縣矢心奉職九載績成赴考以憂歸結社賦詩終老

焉

康熙府志

張遜業字有功號歐江孚敬次子性孝友負氣節以廕入太學授中書舍人進尙寶司丞奉命冊封荆藩公廩外秋毫無染嘉靖庚戌邊警詔求文武兼才眾推遜業時嚴嵩父子專政嘆遜業曾護諫臣楊繼盛沈鍊特抑之謫兩淮運判一日上問故相張少師子安在嵩媿昭以美官遜業笑而不答及官兩淮益勵清操漕卒犯法傾橐代贖嘗輸鹽課金道遇寇覘知爲廉吏遂巡引去以最聞稍遷南京光祿署正順天府判轉太僕丞禁革例金馬政以修市馬

大梁值亢旱爲民禱雨輒應時給事中吳時來忤嵩逮繫  
獄遜業時時過問嵩疑爲黨益思穿之而遜業卒矣年才  
三十六遜業工詞翰善行草書所著有鳴玉集使郢集甌  
江集子三汝綱號太華光祿寺監事汝紀號太衡刑部員  
外郎遷龍安知府汝經號太嵩光祿寺署丞萬厯府志  
王弇州稿  
朱廷謚字司理少孤力學以文行重一時嘉靖乙卯舉人  
授彙城知縣廉謹自持而拊循特至及期政聲藉甚性至  
孝屢欲迎母就養因北地苦寒弗果未幾聞訃邑民泣留  
咸出金以贖固却之竟哀毀卒彙人祠祀焉所著有彙城

稿易經解

康熙  
府志

林宗教字希導性資醇謹操履方潔食貧力學士類推重焉嘉靖戊午領鄉薦知永福縣以廉介稱稍遷貴陽府判尋投牒歸宦橐蕭然家徒四壁敝衣蔬食恬如也以壽終

孫夢龍字言臣崇禎壬午舉人中書舍人

康熙志

王光蘊字季宣居東山麓號玉洞子叔果子也學重躬行以朱文公薛文清爲宗一言一行無少瑕疵嘉靖辛酉舉人授寧都知縣矢爲清白私贄不及門金矢之罰錙銖登籍無所染會邑中右族彭汝通與孝廉何修爭塘塍各以他事相詆讎何削籍彭引遣光蘊念兩人小忿耳家且毀而訟無已勢必格殺因貰不問事遂息遷寧國府同知攝

知府禱雨立應復攝廣德守政尙寬平改衡府長史引疾歸道聞母林病篤馳歸侍藥一晝夜乃卒人謂孝感所致家居七年萬厯丙午卒年六十七著有太玉洞齋稿萬厯温州府志子至言字昭文萬厯庚子副榜以纂修玉牒授太常典籍至章字昭憲建水知州孫欽豫字子謙食餼將貢矣國變後棄廩隱居築四止齋嘯咏其中著有翼正編九卷經德錄五卷皆闢佛衛道之言

李維楨大泌山房集  
舊志康熙府志甌海

聞

聞得仁字中元號南江性行敦謹爲諸生有聲入太學外父張少師秉鈞得仁引避聲勢不樂仕進少師沒久之始

爲鴻臚序班晚歲屏跡工詩有高隱風

爲麻府志

朱體信字達卿刻苦積學領嘉靖己酉鄉薦益自振勵屢

上春官不第杜門謝絕公事時稱謹厚君子

康熙府志

鄭思道萬厯十年爲興化銜經歷銜轄五所凡支給月糧  
例有用印錢思道概却不受或奉公檄檢勘屯田第驅羸  
馬縱轡而行一軍伴裹糧隨之歷九載清苦一轍擢德州

同知

福建通志

張陽春字文復萬厯乙未進士知尤溪愷悌精明清白廉  
介捐俸出贖鍰改建學宮庀材鳩工往返拮据如綜家事  
議鹽禁繕橋梁賑窮乏立義塚惠政甚多卒官至無以爲

殮士民爭弔賻之祠於學宮

延平府志

張中蘊萬厯己未進士四十八年知懷遠縣性亢直居官

不攜眷屬一綈袍數年不易厯知鳳陽府

江南通志

國朝

程浩字淼瀾號養亭古築人乾隆辛酉入籍永嘉邑廩生

癸酉拔貢中丙子順天副榜由中書掾發貴州通判授丹

江厯署府州廳縣十六任前後在黔二十年所至有廉聲

苗民亦皆感化戊戌奉特旨補授鎮遠府庚子引疾歸

橐無餘財有手繪苗疆風土百冊各繫之詩以寓勸戒名

曰黔中竹枝詞病痊改補戶部福建司員外郎未幾復謝

病歸食貧自甘閉戶著書老而不倦年八十三卒所著有  
養齋小彙十卷四留堂稿二十卷韻府補二十卷

臨海  
軼聞

忠義

莊生有言君臣之義無所逃於天地之間故忠卽義也  
後世以死於王事者爲忠義殆以此夫永嘉自宋以來  
屢遭寇變鄉黨之士或以布衣從戎隕首碎身而不悔  
至我

朝定鼎有以諸生而殉明難者雖夷齊之烈何以加此哉  
及咸同間遇難死者尤指不勝屈今故彙而錄之以樹  
臣道之極且以見晚近之世何嘗遠遜古人也邪

宋

丁仲修字敏之昌期孫也

萬麻府志

方臘黨俞道安陷樂清將



渡江巡檢陳華往捕死之先鋒將張理同李振出南門迎敵渡入接橋橋斷馬蹶溺死賊至帆游夏祥遣輔褒迎戰數十合褒死之仲修帥鄉兵禦諸樂灣鄉兵失據而散仲修以餘兵與賊戰力屈乃死

宋史忠義傳

包汝諧與弟汝嘉皆業儒有大畧事親至孝自幼及長孺慕不少衰人稱包孝子宣和辛丑春方臘寇遂昌郡守倅倉皇莫知計所出州學教授劉士英與館下生石礪謀禦賊糾集義士王三錫丁仲修輩二十有八人汝諧預焉時賊勢熾甚州民皆望風奔遁汝諧白諸父老曰某聞戰陣無勇非孝也臨敵避難非忠也某等雖無官守然所食君

食也可值時變而甘不義乎乃身先士卒惟士英令是從  
三月二日報賊臨處州漸及白沙汝諧從士英白守倅戎  
服督視森列戈戟人心始稍定至四月七日賊犯白沙士  
英謀分兵截上戍嶺汝諧率衆往逮夜州牒汝諧亟捍城  
西鄉鼓行至行春橋賊已逾嶺焚劫陽與汝諧與義勇王  
玩等不俟整陣徑犯賊鋒連斬數十級十五日賊犯思遠  
樓汝諧奮擊賊退去先後禦敵不下數十戰竟死於難事  
聞詔立專祠賜忠孝扁樹厥宅里焉周行己包端睦忠孝  
傳按汝諧封英烈侯  
周承己字恭先行己弟婁淵字淵明潘守真字適道皆永  
嘉人清溪寇渡龍灣萬厝志作洛灣  
宋史作樂灣將攻城統制郭仲荀

遣裨將瑞安張理帥師迎敵承己等慨然請於郡以行渡

壩接橋

宋史作八接橋

賊鋒銳甚麾兵據橋爲陣橋斷皆溺死賊

平郡爲申奏詔賜號義士推恩子孫於瑞安門外立廟祀

之德祐中

封理

忠惠侯配享忠烈廟承己等皆從祀於旁

麻

府志

李徽與弟充宣和間人方臘犯柎谿抵菰田管界巡檢陳

莘

一作華又作莘

以郡兵拒之徽兄弟皆從焉賊依山壅水爲固

官軍半渡谿賊決積水灌而下軍大敗徽兄弟死之事平

贈卹不及劉進之愈爲之傳

薛浪語集劉進之行狀

李邦崇宣中擢武科宣和初授咸忠郎從童貫征遼爲步

騎將領至燕山與遼兵遇度必死乃截鬚授從者遣馳歸  
報家人曰吾死戰以是爲識竟死於難蒼墩李氏譜

陳自中字與可宜中弟博學高才動爲有用之學登咸淳  
第仕王府司馬宋末同秀王與懌入閩力戰被擒道死汾  
水關妻楊氏三子及女俱被俘至燕幼子萍隨少帝入西  
番爲僧名輦真吃刺思劉廣陳氏世德碑康熙府志又陳元帥逸其名

宜中從子也少負勇畧拜承議郎理宗時屢立戰功擢爲  
元帥德祐中伯顏入臨安將士解體宜中與張世傑奉端  
宗及廣王昺由越州航海而南元帥扈從舟次象山境金  
井灣得暴疾知不可起謂左右曰吾世受宋恩生不能報

死當爲厲鬼殺賊遙向帝舟叩頭長慟而逝遂葬於姥嶺之麓死後屢著靈異其地立廟祀焉嘉靖三十八年倭擾海上海道副使譚綸部兵來剿神見夢獲大勝因修其廟

扁口神武

萬曆府志

徐臻父官湖南德祐元年臻往省以道阻會文天祥勤王臻往依之以筆札典樞密小心精練天祥被執臻脫難復來從天祥北行扶持患難備殫忠義至隆興病死

宋史忠義傳

陳虞之字雲翁白泉鄉人登咸淳己丑第授揚州教授歷官廣王府記室參軍

案萬曆府志云歷官刑工二部架積閣文字遷祕書省校勘兼國史院積

階承議郎元兵至溫虞之率子姪鄉人千餘登芙蓉巖誓

以死守不降元兵攻巖屢爲所敗越二歲力不能敵乃盡  
以家貲投巖隙中遂自刎子姪妻孥鄉族從死者八百餘

人

兩浙名  
賢錄

元

季完澤字坦之爲平江路管軍鎮撫會賊攻昱嶺關行省  
令從征完澤勇於討賊凡再戰關下皆勝尋又與賊鬪爲  
所執其妻弟金德按德字  
德洪亦被擒皆反縛於樹尋以白刃

脅之降完澤呼曰金身男子卽死不可從賊德曰此言是

因大罵賊怒剖二人之腹

見元史本傳完澤居永嘉堡北  
門季姓元史及嘉靖通志誤作

桂

張庸字存中其先真定人父清夫從晁招討來溫因家焉

舊府志庸性豪爽精太乙數會世亂以策干經畧使李國鳳

承制授庸福建行省員外郎治兵杉關頃之計事赴京師  
因進太乙數圖順帝喜之擢秘書少監命庸團結房山除  
刑部尚書仍領團結會諸寨既降庸守駱駝谷遣從事段  
禎請援於擴廓帖木兒不報庸獨堅守拒戰衆將潰庸無  
去志已而寨民李世傑執庸出降庸見主將不屈與禎同

被殺元史朴賽因不花傳

明

沈忠原籍滁州人洪武二十九年襲父廕改授溫州衛左

所副千戶永樂十一年倭犯金鄉衛沙園所眉石與忠奮  
先對敵以兵寡不支遇害

萬厯府縣志

劉錦字尙文温州衛指揮同知嘉靖二年擢浙江備倭都  
指揮守定海是年夏島夷宗設宋素卿爭貢相讎殺焚掠  
郊原自盪波直薄紹興已奪舟出關口錦倉卒督舟師戰  
於霍山洋戰棚忽陷士卒多溺死賊踴躍過舟錦揮刃奮  
格力竭亦墜水死臺省上其事詔進爵世襲指揮使孫堂  
爲常鎮參將忠勇有祖風

萬厯府志案已上二人疑非永嘉人姑仍舊志

王沛字子大參議澈季弟少業儒棄去精醫術授益府良  
醫倜儻尙名節仗義疏財鄉閭急難者多以爲歸嘉靖壬



子倭夷肇亂沛謀諸鄉族集兵爲守禦計寇被創遁去戊午復至勢張甚沛率鄉兵禦於梅頭竟遇害事聞詔贈太僕寺丞立祠祀之賜額愍忠錄其子叔本爲國學生萬曆府志

王德字汝修號東華少英異負大志弱冠登嘉靖十七年進士授東昌府推官有能聲丁父憂服闋補大名府推官辨滑大盜獄釋誣逮十數人滑人德之立祠祀焉陞戶科給事中定國公徐延德丐無極諸縣閒田爲業且言私置莊田不宜以災傷免賦德抗疏劾之俺答圍都城屢陳軍國便宜悉報可時城門盡閉避難者不得入號呼徹西內德以爲言民始獲入寇退命募兵山東所得悉驍勇爲諸

道最還朝會李默長吏部怒德投刺倨出爲嶺南兵備僉  
事與巡撫爭事投劾逕歸默復起吏部用前憾落職閒住  
德鄉居以倭亂奉母居城中傾貲募健兒爲保障計三十  
七年夏倭自梅頭至大掠德偕族父沛督義兵擊之宵遁  
俄一舟突來犯沛及族弟崇堯崇修殲焉亡何倭復至德  
勒所部迫襲至龍灣軍敗手射賊數人罵賊死然倭自是  
不敢侵郡城矣事聞贈太僕少卿世廕錦衣百戶立祠曰  
愍忠德死時年四十二子如珪甲子舉人知溧陽縣如璧  
錦衣副千戶孫名世萬厯丁酉順天武解元戊戌會元狀  
元任錦衣衛千戶剛介不避權貴善書工詩手不釋卷時

稱文武才

明史忠義傳萬厯康熙府志王弁州案萬厯府志戊午夏賊圍郡城德率鄉兵往援行至金

與賊伏起遇害與史不同疑志得其實

夏光字明卿温州衛指揮僉事驍勇善騎射擢金盤把總嘉靖壬子倭寇犯平陽掠婦女無數光追射獲渠魁十餘人返其婦女賊又薄瑞安城幾不守光馳至縵城而入以藥傅箭鏃射賊賊中箭者拔其鏃嗅曰此夏光箭也遂退擢浙江備倭署都指揮益自感奮書赤心報國四字署其齋甲寅鎮守寧波賊大擾嘉興督撫檄光合擊戰於王江涇諸將爲敵所乘先潰光力不支亦敗沒於河時年三十二事聞詔贈都指揮世襲立祠致祭初世宗聞光英勇圖

其像去人以爲識云

萬厯志平陽縣志

江九山溫州衛指揮嘉靖甲寅倭寇樂清大芙蓉鄉九山

率兵往禦伏起死之

萬厯志

祁嵩字邦翰溫州衛指揮協總平陽港嘉靖乙卯倭自大

嶼登岸渡白沙浦至北港掠麻園嵩與百戶劉敏同遇賊

挺身冒刃戰歿於陣子雲龍陞都指揮使

萬厯志府志

朱廷鑰溫州衛指揮嘉靖戊午陣亡於黃花港胡珊姚憲

俱溫州衛指揮千戶百戶嘉靖己未陣亡於樂清窰奧

萬厯志

志

陳朝任溫區金盤把總功加游擊萬厯四十七年率舟師

禦敵於鎮下門陣亡詔錄其功

平陽縣志

張世鳳號光宇崇禎壬申禦倭於永昌堡戰死

普門張氏譜

葉尙皋字天章

舊志作上高字而栗

郡庠生順治丙戌秋

大清兵

下温州尙皋佯狂在市上或歌或泣夜則偃卧市旁或數日

不食妻女在家皆棄不顧至丁亥仲春上丁陳詞孔子廟

狂益肆知府朱從義執白兵使者雜治城隍廟中或欲貸

其死乃械繫之凡三月不伏將就讞於杭尙皋歎曰苟讞

成而生何如死從容取毫楮作自敘賦絕命詞以手扼吭

而死其詩有曰未斟蒲酒腸先斷不沐蘭湯骨已吞蓋端

陽前一日也

朱鴻瞻竹園類輯

同時有鄒之琦者亦諸生大兵入

城投水死

東甌軼事隨筆

國朝

侯醇字茂長郡庠生閩寇據城王師駐郡西山撫剿並

用令醇特檄入城招撫抗賊帥不屈被害

康熙府志

夏聲字君周府學武生康熙十三年閩逆陷甌城聲率鄉兵據四十都等處固守王師旣徇樂清用聲爲嚮道潛行柘溪山中經上塘遇賊聲設計伏甲於寶勝寺佯退誘賊大勝之至下馮山設疑兵作安營狀引師過平堰灘從白栝一路踰鐵場嶺直抵郡西山賊遣細作捕聲不獲擄其母兄妻子悉受慘戮恢復後檄署松溪令聲招聚流亡

剪除孽燼奉調隨軍克復海澄及金門廈門等島制府上其功於

朝未幾海寇復發聲率兵赴敵歿於陣

府志

體印江心寺僧康熙十四年大兵進討耿逆副將楊春芳陷賊中圖爲內應遣體印齋書至軍營爲僞帥曾養性所獲遂磔於市

府志

徐桂芳三十六都人武生同治元年二月賊陷樂清將逼永嘉桂芳倡義謀於貢生朱邦華監生馬孝明童生馬子紳捐貲聯民團禦賊環江築堡建高臺瞭望賊近礮鳴團丁四集村人倚之如堅城時有賊謀二人持僞號旗脅降卽梟首以徇賊怒麾衆進適千總牟某

按卽牟金樑黃巖人已載黃巖志

將兵百人奉檄來援遂合兵抵禦次日賊虜至有奸民導

之攻間道桂芳急赴新橋力戰諸生李沛清李明察

按卽明燦

名耀廷北奧人亦死於難

率勇夾擊殺賊無算俘黃衣賊目馘之賊猶

不退賊渠胡炳松別由古塘掩至桂芳死守新橋西分遣

子紳率陳茂忠陳加桃等疾馳往出賊不意斬炳松賊氣

挫將遁奸民復獻計乘潮退襲浦口二月二十八日遂焚

堡火光燭天民團久戰力疲火藥盡桂芳裹創力鬪手刃

四賊刃折遂遇害子紳中鎗死邦華孝明牟某合擊之不

勝皆死賊之精銳亦殺傷過半自此不敢渡江而東附郭

諸村得以無事者桂芳諸人力也事平給雲騎尉世職恩



騎尉罔替

浙江忠義錄

案檣冊馬孝明戰功與桂芳將

其名於後而附識  
數語以昭實錄

附錄殉難姓氏

自魏棟起至周克統止四十二人有世襲贈銜紳民殉難者九百七十五人

魏棟

生員康熙甲寅殉耿逆難

林時皓

澤雅人貢生於同治元年正月二十九日

在澤雅莊率團剿賊力竭陣亡

麻配卿

貢生同治元年正月

二十九日粵匪自青田縣竄至本都配卿帶團助剿力竭被害

倪德潤

元春間督團剿賊陣亡

朱邦華

三十六都埭頭村人貢生同治元年二月二十八日粵匪犯郡在烏牛率團迎擊被傷陣亡

劉培英

生員同治元年二月在

曾貴

十六都老竹人例貢生同治元年四月十七日在十六都率團禦賊陣亡

單鴻逵貢生

徐希慈貢生

林聰附貢生

周慶章貢生

胡儒脩員生

鄭維新員生  
俱粵匪案內殉難

潘福恒銘恩三子軍功保授府經歷加  
知州銜賞戴藍翎歿於王事

已上十四名俱  
給雲騎尉世職

張大魁官口口嘉慶十三年從提督  
李長庚剿海寇蔡牽戰死

張樹勳甯海千總升用游擊咸豐八年調赴  
安徽攻剿粵匪與子錦口俱戰死

張金鼇安溪人五品頂戴咸豐八年粵匪陷處州  
率團進屯石帆於五月二十日力戰陣亡

楊朝升棟蓼坊人五品藍翎補用千總咸豐  
九年五月在瑞安洋面剿匪陣亡

陳飛麟嘉會里人溫標右營外委咸豐十一年奉調隨軍  
防剿金錢會匪於九月二十八日在瑞安飛雲江

陣

胡定邦

五品藍翎升用千總  
溫標中營外委咸豐

三年奉調赴省防剿從征九載屢著戰功十一年十  
一月二十一日粵匪圍省垣率兵出戰因傷身死

楊正椿

郡城人從九品銜咸豐十一年八月二十八  
日金錢會匪入城正椿率團阻擊刀傷身死

周釗

二十三都澤雅人從九品銜於同治元年  
正月二十九日在本都界牌嶺剿賊陣亡

魯允寬

十九都東奧人從九品銜於同治元年正月二  
十九日粵匪竄入東奧允寬率團禦賊陣亡

陳璣

字寶濬郡城人由監生選授安徽潛山縣縣丞在  
籍未仕同治元年正月粵賊寇溫璣督民團與賊

戰於上鄉塘下被害相隨之  
胡景輝賊閉之空房焚死

王樹型

廣化廂人從九品銜同治元年正月二十  
九日在西門率團堵禦被虜不屈而死

吳受甫

從九品銜同治元年二月二十八日  
粵匪擾郡在烏牛率團力戰陣亡

沈建猷

鎮海巷人五品軍功議敘從九品同治元年  
四月十七日在西溪陸奧隨團禦賊陣亡

葉成泮

二十九都谷嶼人從九品銜同治元年三月粵匪由青田下竄成泮率團千餘人直抵北門陳杭山

從高攻擊賊從山路圍任力竭被害

鄭慎軒

原籍樂清徙永嘉黃

年三月十七日粵匪擾郡慎軒

在黃莊率團接仗力戰陣亡

王欽喬

二十九都黃莊人從九品同治元年三月十七日率團禦賊於黃莊力竭陣亡

毛國豐

十八都瞿溪人布政司理問銜同治元年四月初四日督團在本地擊賊陣亡

唐建勳

陸奧人從九品同治元年四月二十一日本地擊賊於嶺頭絕

其來路屢戰屢勝賊忿勢洶暗伏大股一面詐敗建勳乘勝追擊被擄斬首剖腹而亡

夏雨人

四十都潮滌人恩騎尉生員夏聲之後也同治元年三月二十七日本地擊賊入棉溪各都雨人同叔

之寅等率團抵禦乘勝追剿被賊斬首剖腹而亡

陳承先

從九品銜

陳克棟

從九品銜

葉茂春

從九品銜

葉鏡堂

從九品銜

陳宗鯨

從九品銜陳承光等五人俱粵匪案內殉

難

已上二十四名俱給雲騎尉世職恩騎尉因替

李正鈺

府舉人揀選知縣同治元年粵匪案內殉難贈知府銜蔭一子入監讀書六月期滿以州判選用

陳茂韶

從九品銜

姜上選

宋奧人從九品銜俱粵匪案內殉難

已上二名俱贈監運司知事銜並廕一子入監讀書六月期滿以縣主簿選用

周克統

字殿選枏溪箸溪人武生咸豐間以禦瞿逆亂賞軍功六品頂戴同治元年三月二十八日粵匪據

樂清克統率勇禦戰斬獲五十餘匪賊潰西遁克統追至青田戰死給世襲雲騎尉同時死難者五十人陳孟奎字孟紹監知事銜芙蓉人胡衍芬胡守呈五鴻人徐信槐徐存槐徐振建徐日元徐存柳徐存郎徐思均俱楓林人盧叶佐盧景西溪南人金克勤金南林金呈海兩岸人金時均巖頭人邵欽雅邵欽頌邵欽洋邵欽雲

邵洛起東村人柯獻鵬張大房人朱如東劉阿興羅川  
人潘廷佐潘傳彩陳振芳黃炳鑒周春壽王振御包川  
人周炳魁周阿茂周慶泉徐里盧叶友陳孟允劉日松  
李福浩黃祥楷陸沛蘭陸瑞生陸海清黃玉瑞黃阿四  
劉陳海林阿耶林瑞達陳時欲池鳳英陳阿春柯厚輝  
盛克升俱上塘人金庚西木橋人監生俱祀郡城忠  
義祠

廣孟銀仲快沛進瑞館仲迪等六人奉郭令泰昇諭命

爲鄉道攻剿匪巢俱力戰死郭令額其廬曰千載義士

殉難紳士俱見浙江忠義旌卹

監生馬孝明監生樊學直姜掄元朱步瀛姜上通林中

祥武生吳掄元監生吳兆榮監生章景揚監生鄭思中

鄭馨山金兆模吳瑞海謝錦城周慶東楊濟武生周

夢熊監生鄭秉基周鳳岐金心蘭吳體華黃邦海附生

吳作霖潘澗例貢瞿沛恩例貢樊夔六品銜吳承

枚從九銜吳通吳邦昌鄭乘顯吳通倚威得衆福建

第陳元浩陳際慶六品頂戴黃日乾李明燦

人物

忠義

三

殉難義民

俱見浙江忠義錄奉文旌卹

徐魁黃德先王楨吳阿魁單壽山金德富董春蘭  
劉阿四陳富春錢阿郎陳福浩林阿箔胡金蘭馬子紳  
陳茂忠周仁挺李東蘭柯發進柯篤培馬松濤楊永記  
傅士舜傅上宏陳佳桃陳有桃陳春桃陳福柱胡林春  
孫夏喜孫炳蘭孫瑞夏孫銀蘭鄭金弟王彰德王林發  
周福壽周正發周正順瞿新銓葉永珍葉碎梅葉昌進  
戴振林戴秀林戴阿全吳金蘭吳柳松李昌富李明秀  
徐全福吳士松徐孝孫蔣五春蔣阿喜陳銀富林汝霖  
柯炳賢邵阿中邵阿洋侯嘉蘭陳茂莖朱瑞東陳阿水  
金口福黃阿國陳士昱陳分林葉天壽王秀春賈春貴  
賈金梅林阿洪陳永年周元芝陳貴美陳阿六林顯璧  
林炳松徐銀友陳時溶金瑞秀金先芹鄭高松黃丙申  
黃頭梅陳水南金集福陳阿可潘加繡陳時學金日新  
周高松金獻階胡錫林胡儒泮胡賢林胡儒墩陳鳴甫  
李明亮李阿鑄楊光茂楊光瑞楊尚黿柳銀進劉朝德  
劉朝泮劉日有劉炳福周啟有劉吳進劉倉山黃在  
張錫魁陳接松陳阿壽黃增有周殿啟翁鳳儀林  
倪家敬徐山梅季瑞程吳巖山陳阿蘭陳金標黃阿岩

張成沛張沛三張阿通張崇珍師林海周阿成胡喜郎  
馬嘉梅張協忠江大金江文判潘炳森陳漢春潘銀林  
江炳金潘金魁江春林江大順江東郎江阿明江培淦  
林森沛林秀淦林學良伍阿夏邱上泮陳振海朱培郎  
陳銀蘭周永寬高大沈樹森陳順慶周文芹董學蘭  
張阿四陳金姆張丙金邱順川張阿槐曾阿發徐培榮  
徐炳漢徐文灝陳克武陳漢海陳炳榮陳金浩陳新照  
陳汝高陳春海徐炳銓徐秀林周錦旺陳丙川陳銀海  
陳東喜陳丙錫陳成鼈陳培淦陳金高陳宗亮柯煥清  
柯煥昌黃克成柯芬蘭任錫挑李炳海鄭高友馬茂金  
仇阿三李孝式彭秀郎張文魁潘金元徐大椿張林三  
鄭高順章朝淦仇阿欽張周發仇壽蘭黃大標任瑞蘭  
鄭紀玉鄭臣松胡培蘭潘作周翁海泮翁金印何漢鼈  
鄭凌富黃瑞坤胡森佩金阿標葉三姆陳金淦陳順海  
任嘉泉任成法蔡翠梅張進富陳新福余宗球林春元  
余宗應陳阿和范阿三張配郎胡學海董余阿桃董李壽  
余嘉壬董錦秀江丙郎張阿慶張振海金臣鎬戴阿雲  
劉炳元張新佩季嘉銓陳紀清鄭阿銀余紅佩徐金順  
任阿松何壽銓陳琴梅陳培慶解山姆周集雲曾佩蘭  
沈丙海李煥亮李聖耀曾朝銓周學富曾陳昇曾朝震

人物

忠義

宦



葉培陞何正位周士杰林正金在堯王東喜李的夫  
葉真賢章宏郎胡沛銀諸葛碧桃諸回松任益金諸阿琴  
吳鍾謨金阿三凌阿慶吳貴秀夏紹登林阿塘林阿啟  
黃連發胡阿耀夏阿進胡士玉胡青松黃金泮徐錦春  
魯阿坤魯宏松張阿沛麻新林鄒廷川陳舜鎬吳錦記  
吳森林劉阿鼈陳瑞進林記松林青三林樹達鄭沛郎  
陳長松劉月松陳森榮何春發葉做篋林阿興戴林海  
徐炳松吳阿四潘阿茂周高懷徐紀魁吳阿郎潘茂彥  
趙萬新徐金順張國林林春梅徐高松蔡一豐蔡一標  
張聖訓陳必成葉壽松任大松張阿友林大發曹光順  
吳阿海楊福有李阿春徐廷祥楊松發倪大發曹光順  
曹瑞雲楊三妹徐進松徐鳳金陳光元賈光發賈春桂  
陳金海張阿盛張祥珍張祥敬戴觀海曹金標陳沛金  
林阿六黃永欽黃承鎮陳功有黃朝豐葉錦漢鄭阿道  
陳阿淦徐大魁任德松李大松任成法林泮槐林魯松  
林紹浩陳巧壽陳胡海仇大順金岳松金鳳海金愛松  
金永壽鄭秀倫戴光明任錫榮胡瑞松胡士高胡蘭瑞  
胡福壽胡炳松陳喜梅左林壽楊連海羅碎郎陳成棟  
黃學斌陳萬成林鳳清任成宰陳松福柯茂法林炳方  
柯大洋黃聿魁蔡友松曹朝楷張學魁張學欽任正浩

任宏振李慶賢鄭景喜程樹標程芳宏鄭阿三陳煥彩  
胡步釐鄭世忠鄭萬林翁芝蘭李記聖鄭茂豐鄭茂槐  
鄭茂增鄭成棟陳永仁曹林慶曹新彩曹春桃曹瑞槐  
曹瑞泮翁振賢翁先元翁阿貴陳阿喜王阿三陳連元  
陳三梅陳徐進伍振華林元文張學山陳阿海曾承舜  
王文宗何炳鈞周培高林玉清鄭炳烈曾一泮黃宗武  
張阿欽陳丙法高大海周振鈞曾家桂林家珍曾家謨  
周登瀛周煥有伍名浩張壽池金汝舟江南松楊炳三  
鄭炳照何先烈何先沛鄭學泮張陳海馬煥有高大山  
曾樹源曾浩增曾承禹曾良友張國珍伍錫金陳得喜  
薛家浩鄭炳金王寶慶王秀全王培堯葉銀郎葉鶴年  
鄭炳三鄭秉金李煥棟李巖欽周步階伍振光信陳阿元  
周茂泮周喜松黃宗文朱宗潮曾兆進陳光信陳阿元  
戴阿標李煥明會朝榮會朝珍陸鴻儒許炳昌吳振槐  
伍成模曾家蘭何炳豐邱銀松胡國秀張沛福王正錫  
陳鳳三董清槐吳金松金丙忠胡錦山陳徐進江應順  
江協松周其昌周阿巧陳炳法陳阿郎岑林海胡清松  
胡銀福岑大洋李培槐李金清周玉槐陳永春高鎮東  
朱沛東朱秉銓李喜壽夏金蓮蘇汝松單宗桂邱恒槐  
葉世仁董嘉賓董嘉奎黃德隆呂泰福王世周金有幹

人物

忠義

三

金明德金松林金記登金崇業金崇聖金正高蔡寶環  
岑林福林家旺葉阿龍胡遠登胡遠山吳茂林李應珠  
張銀德胡連元李心南陳德福尤祖杰胡自昌李正槐  
繆胡進李阿三李德媿胡念喜繆仙寶黃茂柱胡遠錦  
胡正浩胡光進胡光胡周阿有胡光德胡阿五陳允鯤  
胡自然胡學倫張茂楨胡樹三胡東遠胡學濤陳茂聚  
胡阿林李國欽周景統徐忠凱林永理徐忠巨徐阿海  
胡金蘭葉紹榮葉小郎唐瑞茂唐煥宰唐邦宰唐秀清  
夏糖糕媿陳繼美陳阿六朱翼庭李邦圻李壽春金茂恩  
金得順金家泰葉世仁陳茂輝胡阿培周士寬謝光津  
任成率任成槐金大貴子闕名林式富賈乃老周阿玉  
金阿林周元知賈秋喜周阿進周光記陳金順賈沛豐  
楊阿昌林德銀周路清周林福徐阿練張顯榮周阿春  
支培雲林光耀徐沛清賈繼壽林金鈞張徐松麻阿進  
陳得記陳炳高陳正茂麻進清陳曹增金士通周阿槐  
賈爭生周正蓮林金耀潘嘉福林沛豐康林有谷子謙  
黃維金賈記富鄒振龍周元振徐梅兒賈永法谷子高  
金林富葉德位胡阿銓徐應鰲倪青松鄒朝川金殿龍  
周尙英徐巧正金阿蘭吳中沛楊玉堂周新祥黃邦沛

曹文海林抱壽周昌法季金榜周永秀林梓祥王欽桂  
金大八徐春魁周阿配瞿阿潘鄒加楷林幼欽季阿三  
黃光林鄒加壽林正槐周允耀吳尙賢林阿三金紹玉  
周記標黃阿郎陳永昇林幼文林幼成季光佑季世坤  
單昌本朱振科葉日增葉日階葉日乾葉銀銓吳衍明  
周士達李阿煥戚家奉戚瑞進黃楷濤黃金城黃世芳  
黃世耀黃世藩徐忠海張阿五江瑞有張新有張漢立  
董大官夏大官林增霖李泰庚周元釗林中德林阿三  
金阿川陳新雲李阿七陳順欽潘漢東吳阿貴李老松  
李阿松王記松劉阿夏盧阿金夏漢棟徐阿森金嘉梅  
姜漢德葉海清樊大梅陳阿四葉阿高任世江周高槐  
陳大聰吳新郎陸阿四陳建彩何銀翠鄭錦標李長春  
許阿喜吳金桂李上友吳梅兒胡糯梅王廣明胡沛福  
王三郎董阿郎陳阿訓陳瑞振葉阿壽姜文龍李阿豐  
王曹富夏瑞翠金阿銀黃阿福張阿郎壽林錦霖黃茂記  
黃召梅鄭喜賢葉老五陳丙順黃阿喜潘金茂金必蘭  
任正允陳巖媛陳松林胡錦楷黃阿六胡阿墩胡錫蘭  
潘嘉芬李銀海潘承海李逢海鄒邦富李阿漢僧林會  
林景光鄭壽亨鄭言坤胡景輝伍瑞海周士杰周炳魁  
陳琴姆周玉桃潘阿茂吳阿記王振賢王秀林王三春

王家林徐朝武林一達  
柯鳳輝盛克升胡尊賢

孝友

儒林名臣百世之選也宦績介節忠義者一世之風也  
孝友則一家之政矣然而求忠臣必於孝子之門孝者  
始於事親終於事君堯舜之道孝弟而已豈易言哉邑  
自陳侃仰忻陳宗並載前史而鄭文彬王毓輩竟以此  
大其族而名海內人自愛其父兄天乃昌其子弟此其  
理蓋可深長思矣善承天者其毋忘門內之行也

宋

陳侃字君和居建牙鄉事親孝養備至親有疾省膳嘗藥  
夜不解衣執喪盡禮五世同居家無異爨至道二年郡守

何蒙上其事太宗嘉之詔旌其門曰孝門賜其母李氏粟

帛祥符七年卒後人稱其家曰陳孝門

宋史許祚傳姓謹萬麻府志

仰忻字天貺其先吳興人祖仁謙令永嘉卒於官因家焉

萬麻府志

忻力學以篤行稱年五十餘執母喪盡孝禮躬自負

土廬於墓側有慈烏白竹之瑞元祐間郡守郝亶以其純

孝疏於朝乞賜嘉獎

府志

紹聖中郡守楊蟠表其里爲孝廉

坊大觀二年以八行取士郡以忻應詔未幾卒特贈將仕

郎

宋史孝義傳

嘗有富室欲與通婚忻著同姓圖拒之曰姬周

鄭江與仰同姓後世論氏不論姓非也著訓蒙規鑑永嘉

百題詩集子師常師尹師中皆業儒有聲

萬麻府志

同時有張

氏子逸其名親歿廬墓與仰祈齊名祈贈以詩曰賢哉張  
氏子篤孝守墳園四水繞廬舍一山當墓門風悲親永感  
露泣淚成痕豈比他人墓荒涼棄野原

康熙  
府志

朱京字元顯祖珏自枯蒼徙永嘉京幼穎悟連試不利晚  
以特奏名補和州助教性儉素恥事華好一袍數十年不  
易所坐牀只一板窳甚曰先祖所用不忍易也至於奉祭  
祀饗賓客延師教子率從豐厚又斥其餘周宗族鄉黨之  
貧者少孤事兄如父聚居二十餘年無閒言子義明知明  
皆預薦書紹興十二年卒年八十三林季仲銘其墓

竹軒  
襟著

薛特立字才翁事母孝母年八十四齒盡脫特立夜焚香



以禱於天歲餘母齒更生後以特科授承奉郎

萬厓府志

周忠輔字端臣性至孝母葉氏嘗病癱竭力醫治藥必親嘗衣不解帶及母亡哀毀成病後二年亦卒

萬厓府志

夏歸稷字茂卿父伯溫壽九十二朝夕敬事食必躬視藥

必親煮白首服喪哀慕彌劇

萬厓府志

陳敦化飛鵬里人世以輕財嗜義聞於鄉敦化年十五而孤奉母孝母一食不怡憂見顏面母疾湯藥必親遭喪廬墓哀慕至老不衰家累百金伏臘之外用賑族黨鄉閭之急餘以修治橋梁道路凶歲人多閉糴常發私廩平價出之以貸單貧鄉閭有爭訟不之官府得敦化一言卽釋經

界行縣選敦化平比鄉之賦人咸稱其均一金人逼淮甸  
又令治鄉兵格合不下曰此但擾耳鄉民賴以無事家園  
遍植梅竹常嘯傲其間陶然自適人稱爲古君子鄉人於  
其疾咸爲禱祀神祠比死靡不流涕云子謙別有傳

據薛季宣

陳君行  
事補

陳宗幼孤貧年十六母蔡病篤刲股爲餌病愈已而復病  
不救宗一慟而絕鄉人潘侍郎凱王提刑致遠聞於郡守  
陸德輿云陳宗自毀其體哀慟傷生雖非孝道之正而能  
爲人所難爲之事亦天性之至官爲合葬母子於來福門

外榜曰陳孝子墓

宋史孝義傳  
萬麻府志

伊導居夏仙里嘗刲股療母疾於外舅潘氏尤盡恩意鄉人稱之後遂以孝義名其鄉

康熙府志

元

朱童子逸其名居江濱至正庚寅冬海寇猝至母投江童

子哭母亦投江死

萬曆府志

胡野廬居外沙父義爲縣胥徒事添設縣尹劉公源公源之弟公寬以兵襲方明善弗克方盡捕劉氏黨義亦被執野廬挺然出口事劉尹者我也執父奚爲遂斬野廬而釋

其父時年二十一

萬曆府志

周士威居德政坊至正戊戌方明善據溫居千佛寺士威

兄士行爲明善守柵門因劉公寬夜襲罪守門者囚士行於獄士威年十九詣獄吏請曰吾兄弟皆孤藉外祖母夏氏以存今夏氏年八十六矣幸兄在求食養之吾無能焉願以身代獄吏憐而易之士威遂遇害同里有魏保者父忠亦以守門爲明善所執將斬之保趨刑所以身蔽其父曰是夕守門者保也保當罪伸頸受刃父得釋萬曆府志

王泰宋提刑允初後居杜輿幼失怙恃鞠於伯父丁未吳元年冬大兵至伯父被執索金不得將殺之泰年十五匿叢薄中躍出曰吾知瘞金處願釋吾父伯父遂得釋而遁泰引兵掘數穴皆無金乃涕泣告曰兒實不知計免老父

死耳兵怒刃其頸仆地比兵去伯父還視之則喉尙未傷也。以藥封其創昇至家七日始甦。自言被創時若有數人過指曰此子甚孝不當死。卽令一人以藥傅其頸痛遂止。凡八越月竟愈。萬厯康熙府志

王存孫字守中景山八世孫性至孝父遭危疾嘗以己壽益父算禱於神父疾竟愈又十二年而歿存孫哀毀成疾越一年竟卒郡教授李仲謀目爲孝子述其事以傳之。季仲

謀王孝子傳

明

鄭文彬字孟質號樸菴先世由閩遷永嘉皎嶼曾祖延年

元司天監奏差祖均卿父元亨累世同居文彬沈靜有智  
讀書通大義旁涉陰陽地理善治生專力稼圃家益滋殖  
而敦尙質素無毫髮驕盈氣洪武丁卯集民兵禦邊伯兄  
承命去文彬奮然曰兄實宗適當奉祭祀豈可久役於外  
卽挺身求代至永樂甲申乃歸伯兄及弟已歿文彬撫其  
孤如己子家無大小自子姪迄曾孫有事必咨決而行嘗  
建祠修譜揭友愛二字於中堂著規範以爲戒約尤好義  
舉構塾延師以教鄉間重建忠烈侯廟及里之土穀神祠  
修橋九處砌路無算歲大稔平糶施粥道殣給槨葬族人  
三喪久遭者焚其券郡守何公文淵禮爲鄉飲正統丙辰

卒年六十九

介菴集

王毓字尹成英橋人性至孝既葬父廬墓而居扁曰樵雲人稱爲樵雲翁少事父珍謹甚每韋講而治饗膳既成則衣冠而薦之隅睨竟餐覆器乃退閒少失父意輒長跪謝過善耕以其羨權子母歲恒不乏尤好施以軀赴人之急比鄰火數十百家皆燼毓卽指囷予之俾稱力自取其他孤寡無疎戚以指計衣食視毓家若笥庾然好詩時與社中人唱和著槐陰集子七人孫二十八人曾孫九十四人玄孫二百六人來孫三百五十人曷孫四百九十人王世

貞爲作樵雲翁傳

奔州山人集

薛敬字彥恭幼孤與兄同養其母一日過媼戚家至暮敬  
往迎歸經池側母墮池中敬投水拯母兄適至援母得生  
敬竟溺死萬麻府志

沈昆少孤事母孝正統間母潘病篤焚香籲天割股肉爲

餌以進母病隨愈康熙府志

金應家貧養母夏氏孝天順中割股療母病遂瘳萬麻府志

王鑑傭作養母湯氏成化閒母疾篤嘗割股以療康熙府志

黃道琳家貧傭力孝養父病篤嘗割股和藥以療康熙府志

王祚字怡遠曾祖壽大壽大卽王仁自有傳詳義行仕元福建提舉祖

元宏爲千夫長入明初定田賦嘗請減鄉稅父文煥號環



菴居士以行誼聞於鄉郡守何文淵禮爲耆民永嘉田賦  
視他處較輕者文煥父子力也祚性至孝事親能左右承  
順出入扶掖比老尤力奉諸兄情理兼致旁逮族黨靡不  
輯睦人皆以孝友稱善交際言若恐傷人有犯者直受之  
弗與較里或有求直於祚得祚言輒帖然以去後以子瓚  
貴贈禮部侍郎瓚自有傳

季夢陽封翰林院編修  
王君墓誌舊志封贈

黃濂字漢廉號芝山成化丁酉領鄉薦授廣德州學正以  
母老棄官歸養頃刻不離母側及母歿廬墓盡哀中年失  
偶竟不再娶

康熙府志從祀鄉賢

黃遜少孤奉母極孝母病風眩遂失明遜扶持不離側母

歿哀毀逾禮與人言及父母輒涕泣廬墓終身府志

南孟明父文相以荒穀事羅罪孟明方弱冠挺身代父備

受箠楚事白郡守劉芳譽褒其孝康熙府志

謝孝章少失母事父最孝父歿後三年蔬食及葬廬墓側

三載如初喪康熙府志

徐恩字明澤給諫安行孫也早喪父廬墓事母疾衣不解

帶刲股和劑致異蛇之應與弟友愛尤篤不分爨者六十

年里有義舉率能以身先云萬曆府志

黃鍾字應律母病劇祈以身代兄弟五人同居白首無閒

言嘗有盜竊其莊上物僕獲之盜鬻妻以償鍾不受亟令

贖妻還工書能詩或勸其應辟辭以母老所著有松月軒

集子一鵬嘉靖庚子舉人知武寧縣

萬縣府志

葉循學府庠廩生家貧授徒以束脩廩膳與兄弟共享二十餘年甚或典賣裙釵而供給不懈兄弟賣去己屋贖之

仍與同居父年八十尤孝養無閒

項喬鳳東錄

王洌字子良號仁峰英橋人嘉靖十三年歲貢歷松江訓導建安王府教授性孝友視其弟澹如其身教其姪文東如其子歷官所得不自私盡與其弟其弟澹教讀所得亦盡以與兄頭白同爨無閒言焉

王氏家錄舊志選舉項喬鳳東錄

陳一貞字德靖母麻氏病篤嘗剖股肉以進兄早卒撫其

子文如己出頴嘉靖戊午鄉薦知上津縣升滁州知州卒

用  
所志

張遜志字伯懷號靜修孚敬長子以蔭授中書舍人德器宏深不妄言動恬淡謙退如寒士性至孝侍母蔡夫人寢疾累歲衣不解帶比終哀毀成疾卒爲文古雅所著有靜

修子集祀鄉賢

康熙府志舊志

王勳字景銘一字克讓資性溫雅弱冠卽從事聖賢之學真志實行毅然以孔顏自期手錄先正格言及平日所自得者曰檢身集用自考鏡生平無疾言遽色雖隱微造次必肅然端飭孝友天至推誠秉禮鄉族孚化焉年三十二

永嘉縣志

卷之十六

善

卒邑士撫其遺行上雷阮二提學請祀鄉賢

項馱東集  
萬厓府志

葉瀚字宗默幼孤侍母病數歲不懈妻稍違母意遂出之事婦嫂如母撫孤姪國楨如子析產業無私嘗代仲叔繫獄叔病親爲調藥族黨貧乏者量力濟之邑令邱汝材表

其門曰孝友

康熙  
府志

張崇瀚字承環性至孝侍繼母疾不解衣者二月有異母弟六人友愛均篤及親歿其季弟尙幼悉力撫視稱貸以畢婚娶同居無閒言以子德明貴封刑部主事踰耄卒

萬厓

府志

朱尙綜字芳洲柘溪珍川人父小山嘉靖丁巳三殿災詔

徵天下木植郡邑舉小山名董役小山故攻書能文不任  
勞苦綜挺身代父請行卽日上道弟尙紱篤於友愛遠東  
裝追及之與偕行明年正月客死於瓜步尙紱以其喪歸  
聞者傷之小山乃作望歸亭於里門侯一元爲之記

詳金石志

鄭理字一貫號雲麓參政柱之孫由歲貢任同安丞未老  
卽乞休致性至孝父母皆九旬而歿執喪盡禮遇忌日哀  
慕終身不衰旦必具衣冠謁祠林居三十年優游曠達超  
然物外有彭澤風年九十卒

舊府志

戴天倫字仲明父嘗灸天倫灼以分痛母發癰以口啣出  
膿而愈嘗被括鹽商賺以百金欲往取母不忍其遠離遂

止有王姓者死無棺卽以己棺與之有司嘉其行延爲鄉

賓壽百歲

康熙府志

張漲字仲通事父母孝撫季弟及伯兄遺孤極友愛爲之肩重役割腴田無幾微見顏色家居好禮隆師課子尤孰史籍至老手不釋卷詳沈太史懋學所爲傳子昭選貢廣

德州丞時領萬厯丁酉鄉薦

萬厯府志

沈子裕字敦仁郡廩生早喪母事繼母孝年三十失偶躬撫諸孩不再娶父年八十餘極意承歡殯族弟養孀婦督

學聞之獎其孝義焉

萬厯府志

徐一漸嫡母周氏病痿扶持不懈事繼母敬養尤至

萬厯府志

王欽穆父至京以中書謫戍閩省欽穆年十三詣闕上書

朝廷憫其孝爲復父職

康熙府志

曾子微字宗江號玉峰諸生孝廉俞之孫事親至孝四世

不異爨平心率物壽九十六

康熙府志

蘇祀號友竹幼讀書慕仰忻陳宗之行父鼎年八十疾篤

祀禱於神以己壽十齡益父算父杲九十卒居父喪哀毀

廬墓母李九十患足疾市藥蒸洗日夜無間雖大雪不安

寢後病寒而死年五十有八御史雲川舒公令有司祭葬

旌其門曰孝義

張純蘇孝子傳

張芝芳少孤母嘗疾日侍湯藥祈天減算以益母壽後承



歡二十餘年及母卒哀慟數絕有司嘉獎

康熙府志

楊世魁王鈺葉奕美季瀚陳元孝葉袍王一欽七人皆封

股救親

府志

又有黃文玉吳世英王邦賚方成惠張士良趙

士昭戴錫麒陳志超林必廣方有佐潘文斗陳之珽潘天

一徐天鍾皆以孝親奉獎

按黃文玉十四人康熙府志列於封股之次今仍之

國朝

呂世英父鳴益疾篤世英割股療之至再疾再割皆愈順

治六年巡按趙端具題奉

旌府志

鄭時英讀書好古與弟顯卿有二鄭之稱天性孝友父患  
瘍朝夕奉侍不倦兄弟八人白首無聞言以子應鄮官知

縣封文林郎壽八十三

府志

張士燦天性孝友篤學力行不求聞譽嘗著克己錄以自  
省侍母楊氏疾藥必親嘗比歿水漿三日不入口居苦次  
三年啜粥蔬食衰絰不解體及疾革謂弟士祺曰吾生平  
嚴謹自持豈今日而少渝耶言畢而逝

康熙府志

鄭之靖事母至孝母疾篤指血繕疏祈禱病遂愈知府王

國泰詳請入學

康熙府志

李一棟事母陳氏至孝知府王國泰通詳優獎

府志

林震生事母盡孝割股救疾知府王國泰詳請優獎

康熙府志

沈明信事母胡氏至孝康熙十二年學道劉給孝以成人

永嘉縣志

卷之十六

美

額旌其廬

康熙府志

陳煒彰幼失怙事母至孝家貧資其兄俾力學有無概不以聞爲庶弟置室至老不分爨有贅妹招婿於家膳之終

身觀察許重華表其門

康熙府志

王錫瑄字玉叔性至孝事父維夔問安視膳曲盡子道父疾割股療之登順治壬辰進士任漳州司李時大中丞彭鵬尙應童子試錫瑄深器之卜其爲時名臣後以缺裁改溧陽知縣遷禮部主客司主事歸卒子演霈拔貢奉化教

諭演霈歲貢

府志

林龍西溪農家子性愿樸年十四父卒事母至孝妻陳不

合於母出之續娶周又不合再出之龍家貧爲人傭母多病藥餌資以給恒日三視母於傭所得值僅取三之二日我多往返恐妨所事願薄受焉有食以魚肉者必舍以遺母或竟日始得歸未及門輒呼母曰龍來龍來母年八十餘一日忽蹶仆瀕於死龍涕泣禱於神漸甦自是不敢稍離母側母齒盡不能食以口哺之目病不能沐以舌舐之母卒龍嗚咽謂鄰姬曰母素不能行凡衣食無不待龍今踽踽泉壤苦何以堪願相從於地下輒服齊衰繞墓泣呼母曰龍來龍來自經而死

乾隆志

徐宗穆爲之傳

王履謙性孝友年四十五無子妻私置一妾謙知詢之乃

永嘉縣志

卷之十六

人物 孝友

五

貧家婦也怒曰我析他人之妻而爲己之子計乎卽焚券

遣歸後妻五旬生一子孫曾繞膝壽八十五

府志

王敬守備割股救親

府志

王若鉦相溪石柱人道光中父病垂危若鉦焚香告天願減己壽十年以延父壽因割股以進父病尋愈又十年乃

卒

採訪冊

陳志環志璧兄弟也俱埭頭人道光癸卯兄志瑩病志璧割股以療弟志瑀疾志環亦然一門友愛鄉里敬仰陳啟等亦埭頭人事父孝母病割股創血泉湧見者感動又潘善琴泰石人道光中割股療兄疾

採訪冊

潘元瑤字歎夫邑諸生泰石人幼聰慧甫能言其父抱示  
楹聯字卽記憶不忘及長喪母與妻父又病瘋元瑤坐臥  
不離側者七年百事俱廢唯閱醫書遂精岐黃術父卒不  
起服闋應試入庠亦閒爲人治病云採訪冊

金連彩相溪竹林里人年九歲母病索筍值大雪連彩入  
山刷而奉之父患瀉醫言狼糞可療連彩入深山覓之中  
道遇虎幾殆竟得狼糞以歸父服之而愈採訪冊

謝思海潘坑人母老病凡梳裹諸瑣事思海皆身親之冬  
月溫被請母就寢母年至九十餘思海亦七十餘孝養不

衰採訪冊

柯式曾字珪峰邑增生黃田人事母至孝家貧授徒於外凡服物自家來者知其出於母手必拜而後服用母歿泣血如雨夜臥柩側足抵戶外雖冒風露不恤也性亢直敦學甚嚴諸生敬憚待兄弟子如己子同爨無閒從子誠濟字若川邑庠生亦以孝友聞持躬端潔從游甚眾

採訪冊

麻建申柘溪巉皮村人少孤貧祖母撫之年二十而盲事祖母孝冬無絮被以身溫榻夏無帷帳以身飽蚊數十年不衰祖母八十餘且死嘆曰死而有知當令汝目復明建申年六十二夜夢祖母以藥傅其目醒則目果復明謂其弟曰久不見弟面鬚髮已皤然矣蓋同居數十年今始相

識也一時傳爲美談年七十三卒

採訪冊

許金鑑字大成一字子衡郡庠生父病無力延醫焚香籲天割股以進病遂愈越十二年乃卒金鑑明經術從學甚衆歿後其徒建祠吉土坊巷歲時祀之

採訪冊

孫世燮世亨世忠皆諸生巽澤人兄弟友愛仲季有事必稟命於伯兄仲經商喪貲兄弟各出己貲償之兄年七十三有疾仲季晝夜侍疾不怠兄卒號泣如嬰兒季年七十四而卒仲已七十九矣飲泣不已哀動行路仲六十生子人以爲孝友之報卒年八十一

採訪冊

姜南勲字延齡號協舜滄湖人母張氏病割股以療創發



而死屬弟南桂南鵬善事二親其後兄弟年各八十餘不

忍析爨又王啟謨生員亦以割股療母疾

採訪冊

胡元質字士彬柘溪人父病篤焚香割股疾遂愈三年乃

卒元質復廬墓三年

採訪冊

方仰賢字樹聲號質村西門人少孤與弟妹皆鞠於伯叔

父及長娶章氏夫妻皆以孝敬聞伯父病躬調湯藥衣不

解帶叔父病亦如之後伯叔相繼卒第亦以瘵亡值歲饑

竭力營葬墓距城二十五里歲必躬往祭掃大哭而回其

他排紛難恤孤寡拯危急仗義疎財鄉里稱道不衰

採訪冊

王國祥號禎菴虞師里人嘉慶丁丑父病危篤國祥焚香

額天割股以療竟愈

採訪冊

梅魁字秀林號香岑郡城人諸生品行端謹事親竭誠盡敬父疾衣不解帶者數月父喪寢處苦次者三年母歿亦如之兄弟二人童年友愛白首無閒性情恬淡臨財無苟得非義相干雖千金不動色平生無私喜怒待人以誠而義有不可輒侃侃以爭授徒成材者衆課讀之餘諄諄以孝弟爲誨鄉里薰爲善良咸豐初元有司以孝廉方正徵力辭不就卒年七十有四子汝元歲貢生署理龍泉教諭

採訪冊

項懷瑾號玉峰從九品銜弟懷珍號玉泉國子生事親俱

以孝聞友愛尤篤家素貧懷瑾服買於外資稍裕則析財產之半與弟弟俟其兄歸怡怡笑言治具勸加餐如事父珍先卒懷瑾痛之營生壙於弟墓左謂可死後相聚也撰和義堂記述祖父義行稱其弟有先世風性俱好推解有高某者貧甚數濟之死爲撫其孤陰德多類此先是懷瑾微時戚友各出資貸之人八千閱二十餘年人久忘之矣忽一日登門盡完趙璧人咸推爲長者各一子守豐守亨守亨廩貢生孫承權諸生

張頌項氏兩君墓誌銘採訪冊

李福煊儒童簡訟里人貢生燧三子也少失怙事母孝母久病親侍湯藥衣不解帶者年餘疾革語福煊曰爾兄均

娶媳生孫爾獨未有室予深以爲憂福煊聞不勝悽愴曰  
母疾兒不能療又以無室貽母憂不可爲人子每飲泣不  
令母知母既歿視含殮畢不踰時仰藥以殉時年二十三  
親族皆嗟歎以爲死孝時同治十年十一月廿四日也光

緒年詳請優獎

採訪冊

方榮字廉泉九都蒲洲人邑諸生家貧嗜學操行敦篤親  
病嘗割股以療父性畏雷及卒既葬聞震雷榮趨往墓所  
泣告曰兒在此無恐其天性肫誠如此

採訪冊

陳壽郎八都人葉阿南葉學勳葉精詩黃鳳龍胡泮福諸  
葛珍元俱九都人鄭伯松十都人劉阿榮十一都人張振

泉瞿汝珍城南人以上俱割股療親疾

採訪冊

永嘉縣志十六卷終